

東華續錄

乾隆六十七

臣 王先謙敬編

周 潤 恭校

乾隆三十三年戊子春正月辛卯明瑞奏自大疊江進兵於十一月二十七日勦殺賊匪五百餘人次口遇伏復殺賊四十餘人生擒四人二十九日兵抵蠻結賊由密林內突出我兵盡力勦殺賊匪二百餘人臣親登山瞭望見賊匪甚多所設十六寨俱屬險要密林之內隱約見有埋伏又見排有象陣不但山勢險峻兼深林密箐並無可通之路設法挑誘終不出戰因與諸大臣各侍衛官員商議先破其中堅餘寨自不能據守於十二月初二日分隊前進時值大霧我兵衝擊木寨賊匪施放槍礮巨響俱在兵奔前首先擊人人奮勇用槍刀砍傷衆衆衆即倒奔衝賊

匪不支紛紛敗竄我兵奮冒槍礮盡力攻擊甚至彼此抱持以手
相搏賊人不及施放槍礮但隔木寨用槍刀砍截並拋礮火毬我
兵力戰不退奮身直入木寨先係扎拉豐阿攻得一處臣明瑞續
攻得一處觀音保亦攻得一處至晚賊復來奪我兵奮力擊殺相
持至二更時所有埋伏賊人及他處防守各匪俱棄寨奔逸我兵
進剿該地方俱已廓清計殺賊二千餘人報聞又奏此次攻奪
木寨匪寨情形不得不身先行列不意臨陣時右眼眶被有槍
礮擊傷雖經醫治惟稍覺腫痛字費力以致奏報稍遲伏思統領
臣等不意身受險難交部議罪以爲然兵重臣不能持重者戒
得曾有紀過之罪以後稍爲留意可耳又奏臣由營繕進兵行
至臨野山相近天生橋渡口係有名險隘而從前鬼家部落官兵
隨營將數百名堅守此地緬匪數萬皆不能過臣因遣官兵偵視

據稱天生橋乃隔弄山中斷之處下有河一道其勢險急兩岸石峰高出二三里峰上盤曲小徑止容一人行坐其橋係天生一片大石賊人將兩旁舊有幫植大木俱行拔去不但乘騎不能過渡卽步行亦難詢之通事民人馬必興告稱往北有小路可以繞過遂令達興阿帶兵二千名仍留大路作奮取渡口之勢臣等帶兵進至河水發源處水雖不深而湍流甚急臣等催督兵丁於十二月初十日俱行渡河先將山梁占據是日俘獲三賊訊稱賊衆以大兵但知大路是以加緊防守至此地水源渡口雖立兩木柵尙未撥人看守忽聞大兵已渡賊各驚惶逃赴宋賽等語臣等已過奇險之地惟有協力勦賊以成大功報聞○壬辰諭據明瑞奏報見在進剿緬夷已過蠻結地方官兵奮勇攻擊連破賊壘十六座殺賊二千有餘賊匪喪膽竄逸等語明瑞秉性純誠才優幹濟前

者西陲之役每身先士卒績宣猷昨歲自伊犁來京陛見方值
緬甸滋事前督臣調度失宜因令節制雲貴並授爲將軍領兵進
勦自任事以來凡辦理軍營諸務均能悉心籌畫勦合機宜近自
木邦整隊深入於白小地方統衆毀棚今行次蠻結復親冒矢石
殲賊因糧摧堅陷錦以致目受槍傷猶鼓勇直前克揚我武自此
曾衆望風驚潰剋日直搗賊巢佇聞捷奏朕心深爲嘉慰明瑞見
在所襲之公係承恩世爵今旣屢著殊績自應特沛恩施用示優
異明瑞著授爲一等誠嘉毅勇公賞給黃帶子紅寶石頂四團龍
補服服用所有原襲承恩公著伊弟奎林承襲並將原摺鈔發俾
中外知之○諭軍機大臣等據額勒登額奏稱帶兵圍攻老官屯
木賊賊人死守不出孟迎壩蘇帕等處賊匪若在旱塔馬膊子要
隘處所紮寨必致分我兵勢因移兵旱塔壘退襲後賊匪賊皆殲

匿木城因馬勝子山不可令賊占據先派綠營兵三百沙練兵三百至馬勝子山於通新街銅壁鐵壁等關各要隘建立卡座令可固守復調取虎塘關杉木籠等處兵丁如此數處兵少另於騰越永昌酌量添撥已移咨鄂甯等語額勒登額此奏甚不明晰伊等或仍由老官屯一路前進或由別路前進並未明白陳奏儻仍欲由老官屯進兵見賊固守不出伊等已撤兵在旱塔駐守如何能進儻欲由別路進兵伊等並未籌及可以進兵之路惟思在旱塔馬勝子山固守豈有固守卽能勦賊之理額勒登額等前往老官屯惟欲攻賊木城曠日持久徒勞兵力已屬無能今尙不另籌破賊之計更屬錯謬著傳諭額勒登額如勦辦賊匪已過老官屯卽整頓兵威由猛密一路直抵阿瓦城儻尙在旱塔駐守卽捨老官屯帶兵探聽明瑞一路接應前進再據奏稱有上年投誠賞以六

品頂帶之羅夷頭人暹觀猛帶兵三百名來營效力等語此等羅夷宜多爲招撫安插軍行所過就各村莊覓購糧石甚有裨益若查明並非土司羅夷卽係緬匪種類沿途勦辦旣可多得糧石復省內地解運之煩額勒登額等宜盡心籌辦並傳諭明瑞知之○戊戌諭軍機大臣等據額勒登額奏稱伊等退至旱塔後賊人潛出於林箐深處聚大寨七八座施放槍礮固守不戰等語額勒登額等初至老官屯若果身先士卒攻取木城則老官屯得之已久旣稱誘賊勦辦而賊出復不能勦反致賊人乘隙聚寨伊等並未設計討賊其先奏身先士卒攻取木城等語皆不可信明係退回旱塔觀望而已著傳諭明瑞令伊於破阿瓦城後將額勒登額等所奏進兵情形及帶兵奮勉虛實之處留心詳查據實具奏不可稍存姑息瞻徇之意○己亥 御批歷代通鑑輯覽成 御製序

曰編年之書莫備於 皇祖御批之資治通鑑綱目蓋是書集三編爲一部自三皇以至元末明初振綱挈目謹予嚴奪足以昭萬世法戒爲人君者不可不日手其帙而心其義也然 皇祖雖嘗挾精微徵辭旨著論自餘首亦惟析疑正陋垂教後世耳於其書則一仍厥舊無所筆削也故全書篇幅雖多而議論乃什倍於事實卽如前編之中總論史論音釋辨疑考證紛不一家正編之中凡例發明書法考異集覽考證正誤質實濫觴益甚至於續編之作成於有明諸臣其時周禮沿尹起莘例作發明而廣義則出於張時泰效劉友益書法而爲之者夫發明書法其於歷朝興革正統偏安之際已不能得執中之論而況效而爲之者哉且以本朝之臣而紀其開國之事自不能不右本朝而左勝國此亦理之常也況三編中嬗代崛起之際稱太祖而繫以我者不一而足亦非

體例也故命儒臣纂歷代通鑑輯覽一書盡去歷朝臣各私其君之習而歸之正自隆古以至本朝四千五百五十九年事實編爲一部全書於凡正統偏安天命人心繫屬存亡必公必平惟嚴惟謹而無所容心曲徇於其閒觀是書者懷天命之無常知統系之應守則所以教萬世之爲君者卽所以教萬世之爲臣者也書中批論一依皇祖之例自述所見據事以書者十之三儒臣擬批者十之七而經筆削塗乙者七之五卽用其語弗點竄者亦七之二云○庚子李清時卒調彰寶爲山東巡撫以蘇爾德爲山西巡撫調胡文伯爲江蘇布政使以歐陽永福爲廣東布政使

由浙江按察使

○辛丑諭軍機大臣等據鄂爾琿奏查看額勒登額軍營情形及籌辦普洱邊境二摺其意專在各處分兵防守甚屬錯謬已於摺內詳悉批飭此次用兵原爲直搗賊巢勦擒會首以伸國威而靖

邊徼見在我軍深入如已攻得阿瓦則其餘零星賊黨勢成瓦解方且逃竄不暇焉敢闌入邊界此理本屬易曉今鄂甯惟以撥兵嚴防鐵壁虎踞等關爲計不但兵力徒分於事無益且沿邊一帶千有餘里又安能處處分布周密如此措置則與楊應琚前此之調度乖張又何以異且以此等防守兵力彙集繼進以助明瑞聲援則我軍倍增壯盛賊益望風膽落可以迅奏膚功乃計不出此但知職在守邊鯁鯁以備禦爲事竟不顧明瑞業已懸軍深入鄂甯果能悉力伙助則明瑞功成之日鄂甯亦當並與酬庸儼明瑞或以後無兵衆接應稍有貽誤則鄂甯不獨無顏見朕又安能以防邊無失遂足保其首領乎至額勒登額等逗遛旱塔不進鄂甯既遣孫爾桂前往查探孫爾桂回至永昌自必將額勒登額等不能振作情形詳悉告知鄂甯即應將額勒登額譴五格遷延誤事

之處據實參奏何得轉據伊等之言分兵四出防堵况朕意鄂甯聞額勒登額軍營信息必以伊等爲不足任大事方將自請前往督辦庶不愧大學士鄂爾泰之子試問孫爾桂既可直抵旱塔一路鄂甯又有何艱阻而憚於一行乎爾惟信庸懦無能幕賓之言前不知事理之輕重且欲模稜了事大非朕委任之意亦殊玷其家聲鄂甯著傳旨嚴行申飭然不可因有此旨倉忙前進反誤永昌接應之事但將額勒登額軍營情形一切據實奏來或免罪譴耳况已有旨令明瑞嚴查軍營衆人耳目將來班師豈能瞞朕並將此傳諭珠魯訥知之○以曾曰理爲浙江按察使

由江南河庫道遷

○

丁未諭閩浙總督蘇昌自簡任封疆以來老成謹恪宣力有年茲以陞見來京患疾溘逝深爲憫惻所有應得卹典著該部察例具奏尋予祭葬諡愷勤○諭將軍公明瑞見在自宋賽統兵進勦其

猛密一路參贊大臣雖已降旨令額勒登額補授但於督率調度未能勝任協辦大學士公阿里衮著前往雲南辦理軍營策應機宜卽授爲參贊大臣所有隨帶人員俱著一體馳驛○諭軍機大臣等據珠魯訥奏稱原任總兵索柱等防守錫箔橋有賊千餘拒戰二日被賊占據橋梁等語著傳諭額勒登額令其尋路速通大營信息沿途殲勦以期肅清道路爲將軍聲援至旱塔馬臍子等處皆係新得地方儻復被賊占據則我兩路大兵均難退出宜留雲南兵數千交譚五格防守額勒登額簡選貴州等處強壯綠營兵丁暨滿兵四五千名令滿兵在前過發接應明瑞可也○以崔應階爲閩浙總督富尼漢爲福建巡撫陳輝祖爲安徽布政使

察使

○戊申諭軍機大臣等征勦緬匪與準夷回部情形不同準

夷生贊抗拒又逼近喀爾喀地方回衆則初爲準夷所困自我平

定伊犁釋放霍集占伊不感恩反行戕害使臣此皆不可寬貸者
是以朕決計勦滅專派大臣駐紮彈壓若緬甸係絕徼極邊部落
卽得其地斷無遣派大臣駐紮之理特以劉藻辦理不善楊應琚
又復貪功輕進使賊勢猖狂驟難結局朕始派將軍大臣分路進
討特欲揚天朝兵威使賊知懼並非必欲破阿瓦城也況緬地焯
盛我兵雖勇止能臨陣奮勉賊若堅守不戰亦無用武之地今自
明瑞進兵以來連破堅寨想賊已經喪膽若果有畏懼情形理宜
酌量辦理不可拘泥必破阿瓦城如準夷回部之例也儻賊不知
懼竟有抗拒猖狂形狀則決不可輕恕○改江南武鄉試歸總督
考試○以臧善爲安徽按察使

由江甯鹽
驛道遷

○己酉命直隸河南湖

北湖南貴州各撥銀十萬兩酌給幫貼夫馬民人並免雲南大兵
所過永昌府屬額賦其非經過地方亦免十分之五○雲南巡撫

鄂爾奏正月初八日參贊大臣珠魯訥八百里加緊奏摺到永昌並無文移及摺底寄臣臣卽將摺拆閱始知錫箔橋梁爲賊占據查該處爲將軍明瑞文報往來之路急須剋日奪回因思旱塔離木邦不過十餘站目今旱塔官兵不下八九千名旣爲緬賊據險固守不能前進似可留兵數千防守分兵數千星卽接應木邦尙爲捷近已札商額勒登額令其分別留防援應得旨所想亦是但有旨令額勒登額直進接應大軍不知此旨到否爾等再速爲酌量將摺拆閱句批是如此方爲知輕重可嘉之至緬賊據險固守句批此處額勒登額未奏明甚誤事矣又奏將軍明瑞已經深入雖蠻結一捷賊已膽落餘匪根株未盡仍須通勦滇省兵丁零星調撥恐難濟用臣已飛咨貴州撫提酌調官兵二千名以備遣撥得旨更好滇省兵丁皆選敵卽遁實不可用矣餘有旨諭軍機

大臣等據鄂甯奏將旱塔兵丁分撥接應木邦等處一摺所見亦是已於摺內詳悉批諭矣但前次曾經傳諭額勒登額令其由猛密一帶接應大軍未知此時曾否接到見在復諭額勒登額如尚未奉到進兵猛密之旨卽班兵回至木邦與珠魯訥妥協商酌或取道大山爲明瑞接應以壯軍威而通聲息鄂甯惟妥速探聽情形有應籌畫接應者卽上緊辦理總以速通明瑞信息爲要至該撫摺內稱旱塔官兵旣爲緬賊據險固守尙在相持不能前進等語此必孫爾桂前自軍營回時將所見情形告知該撫者可見該撫前此未嘗不知額勒登額逗遛情節乃該撫前摺並未詳悉入告殊非公忠大臣體國之意是以傳旨申飭今朕亦不復追究惟期妥籌速辦於事有濟軍務告竣之日功罪亦自無難定論也此時惟以妥協辦理速得明瑞大軍消息爲要所得信息卽速奏聞

將此傳諭知之○庚戌諭額勒登額辦理諸事不善不勝參贊之任阿里衮到滇時可卽傳旨令額勒登額仍在領隊大臣上行走○壬子鄂爾奏正月初九日接統領木邦官兵普洱鎮總兵胡大猷稟稱正月初四日味魯訥遣兵往護錫箔橋行五六十里卽聞橋已失總兵索往參將王棟俱由千家寨撤兵回葫蘆口因聞賊匪分兩路來抄木邦兄在俱同木邦保護同知陳元震知府郭騰翀等俱於是日逃回永昌等語臣因事在緊急卽飛行額勒登額星夜帶兵赴援查木邦有兵有糧何至如此光景胡大猷稟內情節恐未必的確但珠魯訥不能撫輯招徠前將棄擲軍器就擒之四十餘人盡行斬戮以致匪衆無路可投鋌而走險至錫箔橋實爲要地乃毫無措置竟至不能抵禦種種不善實難辭咎總兵胡大猷於失橋時始帶兵前往及欲撤回之兵旣不能整頓戎行又

不能堵禦葫蘆隘口致木邦軍營張皇紊亂應請旨治罪再查木邦旱塔兩路軍營參贊止額勒登額一人仰懇簡派熟諳軍務曉暢戎行之大臣速赴軍營管理一切得旨已派阿里衮前往但恐路遠未能速至又批另有旨諭諭軍機大臣等鄂爾奏胡大猷稟報軍營情形一摺初疑木邦及沿途臺站或有賊匪猖獗及將全摺閱畢乃知胡大猷所稟悉屬訛傳誕謬遇事張皇卽如木邦裹帶糧石可至正月而又有滾連接濟之糧乃遽稱木邦見以無糧又陳元震懷印逃回等語尤荒唐不可信胡大猷身爲總兵大員統兵防守橋道遇賊不能奮擊輒爾率衆退回已屬罪無可逭乃復敢捏飾虛辭驚惶妄稟搖惑軍心其情罪甚屬可惡見經降旨珠魯訥將伊革職解永昌俟解到之日著鄂爾嚴加刑訊究其捏詞誑報實出何心及得自何人傳播逐一研審明確卽於永昌

正法示衆以爲綠營怯懦虛誑者戒其布造謠言之人一應查出從重治罪至額勒登額久駐早塔逗撓貽誤殊屬不堪今已派阿里衮前往督率調度鄂爾此一切總宜鎮靜以安衆心有應接濟策應者務上緊妥協辦理見在木邦情形若何並曾否探有明瑞軍營信息及額勒登額領兵見至何處各情節速行詳晰具奏○甲寅諭向來各衙門保舉撫民同知通判例由吏部請旨特派大員考試第思此項人員原不過取其通曉字義標判文書而止並非場屋衡文可比若一一傳集校藝恐其中轉易滋代倩傳遞諸弊甚屬無謂嗣後各衙門保舉此項人員彙送吏部照月選官之例令其赴部親筆繕寫履歷以憑覈對不必另爲派員考試著爲令○乙卯諭軍機大臣等據鄂爾奏珠魯訥咨稱同知陳元震於珠魯訥出城禦賊時將參贊大臣印信及賞賜將軍荷包攜帶